

ვანის მუნიციპალიტეტის საკრებულოს იურიდიული,
სამანდატო, საპროცედურო საკითხთა და ეთიკის კომისია

ოქმი N 1

ქ.ვანი, თავისუფლების ქ. N65

7 დეკემბერი 2017წელი

სხდომას თავმჯდომარეობდა: იურიდიული, სამანდატო, საპროცედურო საკითხთა და ეთიკის
კომისიის თავმჯდომარე - *გელა ჩიკვაძე*

სხდომას ესწრებოდნენ: *გელა ჩიკვაძე, გიორგი ივანიძე, შალვა ლორთქიფანიძე, კობა ტოხვაძე,
ოლეგი მიქელთაძე, ვარლამ გიორგაძე, გელა ვარდოსანიძე, თამარ შენგელია, აპოლონ რამიშვილი.*

*საკრებულოს აპარატის საორგანიზციო განყოფილების მთვარი სპეციალისტი საოქმო
წარმოების საკითხებში - ლუბა კიკაბიძე*

სხდომას საპატიო მიზეზით არ ესწრებოდა: რამაზ არველაძე.

დასწრების ფურცელი თან ერთვის /დანართიN1/.

სხდომის თავმჯდომარემ კომისიის წევრებს გააცნო დღის წესრიგი.

დღის წესრიგი

1. იურიდიული, სამანდატო, საპროცედურო საკითხებისა და ეთიკის კომისიის დებულების
დამტკიცების შესახებ.

/მომხსენებელი: გ.ჩიკვაძე/

2. ვანის მუნიციპალიტეტის საკრებულოს ფრაქცია „ქართული ოცნება- კონსერვატორები“-ს
დაფუძნების ცნობად მიღების შესახებ.

/მომხსენებელი: გ.ჩიკვაძე/

კომისიის წევრებმა კენჭი უყარეს დღის წესრიგით გათვალისწინებულ საკითხებს.

წინააღმდეგი - არცერთი

პირველ საკითხთან დაკავშირებით კომისიის თავმჯდომარემ კომისიის წევრებს გააცნო იურიდიული, სამანდატო, საპროცედურო საკითხებისა და ეთიკის კომისიის დებულება, ეს დებულება საქართველოს ორგანული კანონის „ადგილობრივი თვითმმართველობის კოდექსი“ და ვანის მუნიციპალიტეტის საკრებულოს რეგლამენტის შესაბამისად განსაზღვრავს ვანის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის უფლებამოსილებას, სტრუქტურას და თანამდებობის პირთა უფლება-მოვალეობებს.

1. ვანის მუნიციპალიტეტის საკრებულოს (შემდგომში - საკრებულო) იურიდიულ, სამანდატო, საპროცედურო საკითხთა და ეთიკის კომისია (შემდგომში - კომისია) წარმოადგენს საკრებულოს მუდმივმოქმედ ორგანოს, რომელიც უზრუნველყოფს საქართველოს ორგანული კანონით „ადგილობრივი თვითმმართველობის კოდექსი“, საკრებულოს რეგლამენტით და ამ დებულებით განსაზღვრულ უფლებამოსილებათა განხორციელებას.

კომისია იქმნება საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის, საკრებულოს რეგლამენტით და ამ დებულებით დადგენილი წესით.

კომისია იქმნება ამ დებულებით დადგენილი საკითხების საკრებულოში წინასწარი მომზადების, გადაწყვეტილებათა შესრულებისათვის ხელის შეწყობის, მერიის და მისი სტრუქტურული ერთეულების, აგრეთვე შესაბამისი მიმართულებით მუნიციპალიტეტის მიერ დაფუძნებული იურიდიული პირების კონტროლის მიზნით.

კომისიის საქმიანობის წესი საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის მე-3 პუნქტის შესაბამისად განისაზღვრება საკრებულოს რეგლამენტით.

მუხლი 2. კომისიის უფლებამოსილება

1. კომისია თავისი კომპეტენციის ფარგლებში:

ა) შეიმუშავებს, განიხილავს და საკრებულოს სხდომისათვის ამზადებს საკრებულოს სამართლებრივი აქტების პროექტებს;

ბ) მონაწილეობს საკრებულოში შემოსული სამართლებრივი აქტების პროექტების განხილვა-დამუშავებაში, ამზადებს სამართლებრივ დასკვნებს და გადასცემს საკრებულოს შესაბამის ორგანოს;

გ) აკონტროლებს საკრებულოს სამართლებრივი აქტების შესრულებას და საჭიროების შემთხვევაში სამართლებრივ დასკვნებს წარუდგენს საკრებულოს;

დ) ისმენს ინფორმაციას, ახსნა-განმარტებას საკრებულოს წინაშე ანგარიშვალდებული ორგანოებისა და თანამდებობის პირების საქმიანობასთან დაკავშირებით და საჭიროების შემთხვევაში შესაბამის დასკვნას წარუდგენს საკრებულოს.

ე) განიხილავს და საკრებულოს წარუდგენს წინადადებებს, რეკომენდაციებს და დასკვნებს კერძო სამართლის სამეწარმეო და არასამეწარმეო (არაკომერციული) იურიდიული პირების შექმნის, რეორგანიზაციისა და ლიკვიდაციის შესახებ; სამეწარმეო და არასამეწარმეო (არაკომერციული) იურიდიული პირების დაფუძნებაში მონაწილეობისა და მათში გაწევრიანების შესახებ;

მუნიციპალიტეტის წილობრივი მონაწილეობით შექმნილი საწარმოების კაპიტალში ცვლილების შესახებ, სამეწარმეო იურიდიული პირის წილის/აქციების შეძენის შესახებ;

ვ) აკონტროლებს საკრებულოს წევრთა მიერ საქართველოს კანონმდებლობისა და საკრებულოს რეგლამენტის მოთხოვნათა დაცვას;

ზ) ამზადებს და საკრებულოს წარუდგენს წინადადებებს საკრებულოს წევრის უფლებამოსილების ცნობისა და უფლებამოსილების ვადამდე შეწყვეტის შესახებ;

თ) შეისწავლის საკრებულოს წევრის სტატუსთან საკრებულოს წევრის თანამდებობრივი და სამეწარმეო საქმიანობის შეუთავსებლობის საკითხებს და საკრებულოს წარუდგენს შესაბამის წინადადებებს;

ი) განსაზღვრავს საკრებულოს კომისიებსა და დროებით სამუშაო ჯგუფებში საკრებულოს წევრთა პროპორციული წარმომადგენლობის ქვოტას;

კ) შეისწავლის ფრაქციის რეგისტრაციისთვის საჭირო მასალებს და საკრებულოს უახლოეს სხდომას წარუდგენს შესაბამის დასკვნას;

ლ) საკრებულოს უახლოეს სხდომას აცნობებს ფრაქციის გაუქმებისა და ფრაქციის შემადგენლობიდან წევრის გასვლის ფაქტს; ცნობად იღებს ფრაქციიდან წევრის გარიცხვის, აგრეთვე ფრაქციის თავმჯდომარისა და სხვა ხელმძღვანელი პირების არჩევის, გადაყენების, გადადგომის, ფრაქციის სადამფუძნებლო დოკუმენტებში შესწორებათა შეტანის შესახებ ინფორმაციას, რის შესახებაც აცნობებს საკრებულოს ბიუროს და საკრებულოს უახლოეს სხდომას;

მ) საკრებულოს რეგლამენტით განსაზღვრულ შემთხვევებში ასრულებს დროებითი ხმის დამთვლელი კომისიის ფუნქციებს, ადგენს ფარული კენჭისყრის გამართვის ადგილსა და ბიულეტენის ფორმას; ითვლის და აცხადებს ფარული კენჭისყრის შედეგებს;

ნ) შეიმუშავებს წინადადებებს საქართველოს კანონმდებლობის შესაბამისად მუნიციპალიტეტის სიმბოლოების (გერბის, დროშის და სხვა სიმბოლოების) დამტკიცების და მათში ცვლილებების შეტანის შესახებ;

ო) საკრებულოს წარუდგენს წინადადებებს თვითმმართველი ერთეულის საპატიო წოდებების და ჯილდოების შემოღებისა და მინიჭების წესების დადგენის შესახებ;

პ) შეიმუშავებს წინადადებებს თვითმმართველობის საჯარო მოსამსახურეთა საკადრო პოლიტიკის განსაზღვრის, სამსახურეობრივი ეთიკის, ადამიანური რესურსების მართვის, თვითმმართველობის საჯარო მოსამსახურეთათვის ატესტაციებისა და კონკურსების ჩატარების, კვალიფიკაციის ამაღლებისა და გადამზადების საკითხებზე; კონტროლს უწევს აღნიშნულ სფეროში მიღებულ გადაწყვეტილებათა შესრულებას და გატარებულ ღონისძიებათა განხორციელებას;

ჟ) განიხილავს და შეიმუშავებს წინადადებებს ადგილობრივი თვითმმართველობის მოხელეთა სამტატო ნუსხის განსაზღვრის, თანამდებობრივი სარგოს განაკვეთების მოხელეთა დამატებითი საკვალიფიკაციო მოთხოვნების დადგენის, თანამდებობრივი ინსტრუქციების, სამუშაოთა აღწერილობებისა და ანგარიშგების შედგენის, ადგილობრივ თვითმმართველობის მოხელეთა საკონკურსო-სატესტაციო კომისიის შექმნის შესახებ; აკონტროლებს საკრებულოს მიერ ამ საკითხებზე მიღებული გადაწყვეტილებების დაცვას და შესრულებას;

რ) განიხილავს და შეიმუშავებს წინადადებებს საკრებულოს რეგლამენტის, საკრებულოს კომისიების, საკრებულოს აპარატის, მერიის, მერიის სტრუქტურული ერთეულების და ტერიტორიული ორგანოების დებულებათა პროექტების და მათში ცვლილებების შეტანის საკითხებზე;

ს) ახორციელებს საკრებულოს რეგლამენტით და საკრებულოს დავალებით მისთვის მინიჭებულ სხვა უფლებამოსილებებს.

2 ადგილობრივი თვითმმართველობის ორგანოების თანამდებობის პირები კომისიის მოთხოვნით ვალდებული არიან კომისიის მიერ დადგენილ ვადაში წარუდგინონ მას შესაბამისი დოკუმენტები, დასკვნები და სხვა მასალები, დაესწრონ კომისიის სხდომებს, პასუხი გასცენ სხდომაზე დასმულ შეკითხვებზე და წარმოადგინონ გაწეული საქმიანობის ანგარიში.

ასევე კომისიის თავმჯდომარემ კომისიის წევრებს გააცნო კომისიის ჯგუფის უფლებამოსილებები: კომისიის უფლებამოსილებათა ფუნქციური დაჯგუფების მიხედვით კომისიის წევრებისაგან იქმნება კომისიის სამუშაო ჯგუფები.

კომისიის წევრთა გადანაწილებას სამუშაო ჯგუფებში კომისიის წევრთა სურვილის გათვალისწინებით ახდენს კომისიის თავმჯდომარე. კომისიის წევრი შეიძლება იყოს კომისიის რამოდენიმე სამუშაო ჯგუფის წევრი.

სამუშაო ჯგუფის ფუნქციაა თავის უფლებამოსილების ფარგლებში განიხილონ და მოამზადონ კომისიის სხდომაზე განსახილველი საკითხები.

4. კომისიაში იქმნება შემდეგი სამუშაო ჯგუფები:

- ა) იურიდიულ საკითხთა სამუშაო ჯგუფი;
- ბ) სამანდატო და საპროცედურო საკითხთა სამუშაო ჯგუფი;
- გ) საკადრო პოლიტიკისა და ეთიკის სამუშაო ჯგუფი.

კომისიამ მიიღო ერთობლივი გადაწყვეტილება სამუშაო ჯგუფის შემადგენლობის შესახებ:

ა) იურიდიულ საკითხთა სამუშაო ჯგუფი;

- გიორგი ივანიაძე
- ოლეგი მიქელთაძე
- ვარლამ გიორგაძე
- გელა ვარდოსანიძე

ბ) სამანდატო და საპროცედურო საკითხთა სამუშაო ჯგუფი;

- გიორგი ივანიაძე
- შალვა ლორთქიფანიძე
- კობა ტოხვაძე
- რამაზ არველაძე
- თამარ შენგელია

გ) საკადრო პოლიტიკისა და ეთიკის სამუშაო ჯგუფი.

- გელა ვარდოსანიძე
- ოლეგი მიქელთაძე
- თამარ შენგელია
- კობა ტოხვაძე

კომისიის მიერ დღის წესრიგით გათვალისწინებული საკითხი დამტკიცებულია და მზად არის საკრებულოს სხდომაზე გასატანად

მომხრე - 9

წინააღმდეგი - არცერთი

მეორე საკითხთან დაკავშირებით ბატონმა გელამ კომისიის წევრებს გააცნო ვანის მუნიციპალიტეტის საკრებულოს ფრაქცია „ქართული ოცნება- კონსერვატორები“-ს დაფუძნების ცნობად მიღების შესახებ და განმარტა, რომ საქართველოს ორგანული კანონის „ადგილობრივი თვითმართვებლობის კოდექსი“ 30-ე მუხლისა და ვანის მუნიციპალიტეტის საკრებულოს რეგლამენტის 35-ე მუხლის შესაბამისად, წარმოგიდგინთ საკრებულოს ფრაქციის „ქართული ოცნება - კონსერვატორები“ დასარეგისტრირებლად საჭირო დოკუმენტებს: ფრაქციის წესდებას, პოლიტიკურ პლატფორმასა და სადამფუძნებლო კრების ოქმს.

ფრაქცია იქმნება შემდეგი შემადგენლობით:

1. ეთერ ჭიჭინაძე
2. ვარლამ გიორგაძე
3. რამაზ არველაძე
4. გია ოჩხიკიძე

კომისიის თავმჯდომარემ და წევრებმა მიიღეს ცნობის სახით არნიშნული საკითხი და მხარი დაუჭირეს.

მომხრე - 9

წინააღმდეგი - არცერთი

კომისიის გადაწყვეტილებით დღის წესრიგით წარმოდგენილი საკითხი დამტკიცებულია კომისიის მიერ და საკითხი მზად არის საკრებულოს სხდომაზე დასატანად.

კომისიის თავმჯდომარემ სხდომა დახურულად გამოაცხადა.

გელა ჩიკვაძე

საკრებულოს იურიდიული, სამანდატო,

საპროცედურო საკითხებისა და ეთიკის

კომისიის თავმჯდომარე